

Edizione diplomatico-interpretativa

Arnaut daniell	Arnaut Daniell
I	I
<p>A L resplan la flor en uersa. Pels trenchanz rancs e pels tertres.</p> <p>Q a flors gels neus e conglapis.</p> <p>Q e cotz e destrui e trencha.</p> <p>D on uei mortz qils criz blais ciscle.</p> <p>E l foil els rams els giscles.</p> <p>M ais mi ten uert e iausen iois.</p> <p>E r qan uei secs los dolenz crois.</p>	<p>Al resplan la flor en versa pels trenchanz rancs e pels tertres -</p> <p>Qa flors ? Gels, neus e conglapis</p> <p>qe cotz e destrui e trencha,</p> <p>don vei mortz qils, criz, blais, ciscle,</p> <p>e.l foil e.ls rams e.ls giscles,</p> <p>mais mi ten vert e iausen iois</p> <p>er, qan vei secs los dolenz crois.</p>
II	II
<p>C ar en aisi o en uerse.</p> <p>Q e bel plan me semblon tertre.</p> <p>E tenc per flor conglapi.</p> <p>E l chautz me uis qel freg trenca.</p> <p>E l tron mi son chant e ciscle.</p> <p>E païrom follat li giscle.</p> <p>S im soi lasatz e ferm en ioi.</p> <p>Q e ren non uei qem sia cloi.</p>	<p>Car enaïsi o en verse</p> <p>qe bel plan me semblon tertre</p> <p>e tenc per flor lo conglapi,</p> <p>e.l chautz me vis qel freg trenc,</p> <p>e.l tron mi son chant e ciscle,</p> <p>e païro.m follat li giscle :</p> <p>si.m soi lasatz e ferm en ioi</p> <p>qe ren non vei qe.m sia cloi.</p>
III	III
<p>M as una gen fada en uersa.</p> <p>Q em sem blon noirit en tertres.</p> <p>Q em fan trop pietz qel conglapis.</p> <p>Q uns qei sap sa lengua trenc.</p> <p>E mparaulas e ab ciscles.</p> <p>E noi ual baston ni giscles.</p> <p>N i menazas anz lur es iois.</p> <p>Q am fan ço don hom los clam crois.</p>	<p>Mas un gen fada, en versa,</p> <p>qe.m semblon noirit en tertres,</p> <p>qe.m fan trop pietz qe.l conglapis</p> <p>q?uns qe i sap sa lengua trenc</p> <p>e.m paraulas e ab ciscles</p> <p>e no i val baston ni giscles</p> <p>ni menazas, anz lur es iois</p> <p>qa.m fan ço don hom los clam crois.</p>
IV	IV
<p>C ar en baisan nous en uerse.</p> <p>N on me tollon ual ni tertre.</p> <p>D onna ni gels ni co(n)glapi.</p> <p>M as non poder trop en trencha.</p> <p>D onna per cui cant e ciscle.</p> <p>U ostre bels uoilh mi son giscle.</p> <p>Q em castion sil cor ab iois.</p> <p>Q eu non aus auer talan crois.</p>	<p>Car en baisan no.us en verse</p> <p>non me tollon val ni tertre,</p> <p>donna, ni gels ni conglapi,</p> <p>mas non poder trop entrencha :</p> <p>donna per cui cant e ciscle,</p> <p>vostre bels uoilh mi son giscle</p> <p>qe.m castion si.l cor ab iois</p> <p>q?eu non aus aver talan crois !</p>
V	V

A nat ai com chaus en uersa. T otz temps cercan uals e tertres. M arritz com hom cui conglapis. D estreing e mazel e trencha. Q anc non conques chanz ni ciscles. P lus qel fel clerc con quer giscles. M as ar dieu lau mal berga iois. M al grat dels fals lausengiers crois.	Anat ai com chaus? en versa totz temps cercan vals e tertres, marritz com hom cui conglapis destreing e mazel e trencha, q?anc non conques chanz ni ciscles plus qe.l fel clerc conquer giscles - mas ar, Dieu lau !, m?alberga iois mal grat dels fals lausengiers crois.
VI	VI
A n mos uers chaisi en uerse. E nol tengnon ual ni tertres. L ai on hom non sen conglapi. N ia frez poder qen trencha. A midonz locant el ciscle. C lar qinz el cor lintrol giscle. Ç el qe sap gen chantar ab iois. Q ar nos fai a chantador crois.	An mos vers, ch?aisi en verse e no.l tengnon val ni tertres, lai on hom non sen conglapi, ni a frez poder q?entrencha. A midonz lo cant e.l ciscle clar q?inz el cor l?introl giscle çel qe sap gen chantar ab iois, qar no.s fai a chantador crois!
VII	VII
D olza donna a mors e iois. N os ten en sems malgrat dels crois.	Dolza donna, a mors e iois nos ten ensembs malgrat dels crois!
VIII	VIII
I oglar gran ten ai men de ioi. Q an non us uei en faz semblan croi.	Ioglar, gran ten ai men de ioi, qan non us vei en faz semblan croi !

- letto 457 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatico-interpretativa-287>